



OPĆINA PALE
PRAČA

PRIMLJENO: 17. 11. 2023

Organizaciona jedinica	Klasifikaciona oznaka	Redni broj	Broj priloga
02	11	203-1	

PROGRAM

UTROŠKA SREDSTAVA IZ BUDŽETA OPĆINE PALE ZA EKONOMSKU PODRŠKU RANJIVIM GRUPAMA NA TRŽIŠTU RADA ZA 2023 i 2024. GODINU

1. Cilj Programa

Program utroška sredstava iz Budžeta Općine Pale za ekonomsku podršku ranjivim grupama na tržištu rada za 2023 i 2024. godinu sa kriterijima raspodjele temelji se na odobrenim sredstvima za ovu namjenu u Budžetu Općine Pale za 2023 i 2024. godinu sa pozicije 614 200- Grantovi pojedincima.

Cilj Programa je:

- Pružanje podrške ranjivim kategorijama stanovništva da pokrenu ili poboljšaju ekonomske aktivnosti (poduzetničke, poljoprivredne, zanatske i druge aktivnosti);
- Pružanje pomoći ranjivim kategorijama stanovništva prilikom pokretanja vlastitog biznisa (povećati broj obrtničkih radnji i preduzeća);
- Pružanje pomoći postojećim biznisima koji žele proširiti obim poslovanja i zaposliti ranjive kategorije sa tržišta rada (povećati broj zaposlenih i poboljšati socioekonomsku situaciju).

Ranjive kategorije stanovništva koje mogu biti obuhvaćena ovim programom su:

- Nezaposlene žene, bez obzira na dob
- Mlade nezaposlene osobe do 35 godina
- Nezaposlene osobe sa invaliditetom
- Domaćinstva sa jednim roditeljem (nepotpune porodice sa maloljetnom djecom)
- Domaćinstva sa više od 1 nezaposlenog člana
- Osobe sa Zavoda za zapošljavanje kojima je preostalo 3-5 godina za sticanje prava na penziju
- Teže zapošljive osobe (starosti između 50 i 65 godina)
- Pripadnici nacionalnih manjina
- Višečlana domaćinstva čija ukupna mjesečna primanja ne prelaze iznos jedne prosječne plaće u Federaciji BiH.

2. Implementacija i iznos sredstava

Finansijska sredstva za realizaciju Programa obezbjedit će se iz budžeta Općine Pale sa stavke 614 200- Grantovi pojedincima za 2023. u iznosu od **40.850,00 KM**. Sredstva za ovu namjenu obezbjeđena su od strane Vlade BPK-a Goražde u iznosu od 23.000,00 KM i Caritasa Švicarske u iznosu od 17.800,00 KM, dok se u 2024. godini za nastavak realizacije ovog projekta planira iznos od 30.000,00 KM. Korisnici sredstava bit će u obavezi osigurati minimalan iznos učešća od 20%.

Sredstva će se dodijeliti korisnicima u skladu s Kriterijima utvrđenim ovim Programom, Javnim pozivom i metodologijom Karitasa Švicarske.

Program obuhvata tri faze. U prvoj fazi će se kandidatima omogućiti da kroz obuku razviju svoje poduzetničke vještine. Kandidati su osobe koje žele povećati ekonomsku aktivnosti (namicanje sredstava), pokrenuti vlastiti biznis i postojeći biznisi koji žele povećati obim poslovanja.

U drugoj fazi će se dodjelom bespovratnih sredstva kandidatima omogućiti da realizuju svoje planove. U trećoj fazi će se pružiti mentorska podrška da bi se olakšao rad podržanih aktivnosti/biznisa na tržištu.

Implementacija Programa obuhvata slijedeće aktivnosti:

- objavljivanje javnog poziva
- obuku prijavljenih kandidata i razvoj njihovih poduzetničkih vještina
- prijavljivanje zainteresiranih kandidata
- razmatranje i obrada pristiglih prijavi (odabir korisnika)
- potpisivanje ugovora o realizaciji sa odabranim korisnicima
- implementacija
 - o povećanje ekonomskih aktivnosti (lica koja neće pokretati vlastiti biznis)
 - o podrška registraciji djelatnosti i sufinansiranje troškova pokretanja i rada vlastitog biznisa
 - o sufinansiranje poslovnih plana za proširenje poslovanja i zapošljavanje ranjivih kategorija
- pružanje mentoring podrške i monitoring

2.1 Javni poziv i obuka kandidata

Za dodjelu grant sredstava iz ovog Programa, Općina Pale raspisuje javni poziv. Javni poziv se objavljuje u oglasnoj tabli Općine, web stranici Općine (www.praca.ba), i lokalnom radiju Prača.

U sklopu javnog poziva, u koliko bude potrebno, nosilac aktivnosti će organizovati dvodnevna obuku na temu „Pokreni/unaprijedi svoj biznis“ sa fokusom na poslovno planiranje za sve zainteresovane.

2.2 Prijavljivanje zainteresovanih kandidata

Korisnici ovih sredstava mogu biti ranjive kategorije stanovništva socio-ekonomskog statusa sa područja Općine Pale koje žele povećati ekonomsku aktivnost, pokrenuti vlastiti biznis, te registrovani biznis i koji žele zaposliti osobe koje su ugrožene na tržištu rada.

2.2.1 Podrška za povećanje ekonomskih aktivnosti

Ovim podsticajem je planirana podrška ranjivim kategorijama stanovništva da pokrenu ili poboljšaju ekonomske aktivnosti.

Za ostvarivanje podsticaja podrške socijalno ugroženim kategorijama stanovništva da pokrenu ili poboljšaju ekonomske aktivnosti (povećanje poduzetničkog duha među ranjivim kategorijama) bit će korišteni slijedeći kriteriji za ocjenu i potrebno je dostaviti slijedeće dokumente:

Kriteriji	Dokaz (dostava dokumenta)
Na vrijeme popunjen i predat prijavni obrazac	Prijavni obrazac – protokolisan ili poslat poštom u utvrđenom roku
Prebivalište na području Općine Pale	Cips prijava podnosioca prijave
Da pripada ranjivoj kategoriji stanovništva na tržištu rada	Kućna lista, dokazi o visini primanja ili drugi odgovarajući dokument kojim dokazuje svoj status
Kvalitet poslovnog plana	Poslovni plan
Iznos sufinansiranja	Izjava o sufinansiranju biznis plana

finansiranja/sufinansiranja slijedećih aktivnosti:

Za fizička lica u vidu finansiranja/sufinansiranja zahtjeva:

- Nabavka opreme i mehanizacije u poljoprivrednoj proizvodnji i domaćinstvima i
- Nabavka plastenika.

Zahtjev za traženje podrške za fizička lica nemože prelaziti iznos veći od **2.400,00 KM** po aplikaciji ili 80% vrijednosti biznis plana s kojim se aplicira na javni poziv. Razliku od najmanje 20% potrebnih sredstava u ovom projektu sufinansirat će aplikant.

Svi zahjevi-prijave koji budi u većem iznosu od utvrđenog padaju na teret aplikanta.

2.2.2 Podrška za registrovanje novih biznisa ili unaprijeđenje postojećih

Ovim podsticajem je planirana podrška socijalno ugroženim kategorijama stanovništva da pokrenu i registruju vlastiti biznis, kao i za registrovane biznise koji žele da unaprijede postojeće poslovanje.

Za ostvarivanje podsticaja podrške ugroženim kategorijama stanovništva prilikom pokretanja vlastitog biznisa (povećanje broja obrtničkih radnji i preduzeća) ili unaprijeđenja postojećeg bit će korišteni slijedeći kriteriji za ocjenu i potrebno je dostaviti slijedeće dokumente:

Kriteriji	Dokaz (dostava dokumenta)
Na vrijeme popunjen i predat prijavni obrazac	Prijavni obrazac – protokolisan ili poslat poštom u utvrđenom roku
Da je registrovani biznis aplikanta primarno zanimanje ili osnovna djelatnost	Riješenje o registraciji djelatnosti
Prebivalište na području Općine Pale	Cips prijava podnosioca prijave
Da pripada ranjivoj kategoriji stanovništva na tržištu rada	Kućna lista, dokazi o visini primanja ili drugi odgovarajući dokument kojim dokazuje svoj status
Kvalitet poslovnog plana	Poslovni plan
Iznos sufinansiranja	Izjava o sufinansiranju biznis plana
Namjera da biznis drži otvorenim najmanje 18 mjeseci	Ovjerenu izjavu da će nakon odobravanja podsticajnih sredstava, registrovanu djelatnost održavati u trajanju od najmanje 18 mjeseci od dana potpisivanja ugovora o realizaciji

Poticajna sredstva su namijenjena za refundaciju troškova obaveznih doprinosa (PIO, zdravstveno osiguranje i osiguranje od nezaposlenosti) za period od 6 mjeseci, te sufinansiranje troškova pokretanja registrovane djelatnosti (nabavka mašina, opreme i repromaterijala neophodnog za registrovanu djelatnost). Sufinansiranje je predviđeno za biznise vrijednosti do 5.000,00 KM. Maksimalni iznos dodijeljene podrške nemože preći iznos veći od 4.000,00 KM po aplikaciji, sa odnosom učešća Općine 45% i Caritasa Švicarske 35%. Minimalni iznos učešća korisnika granta je 20% .

2.2.3 Dodatne informacije

Kada je riječ o registraciji novih biznisa ili pružanje podrške postojećim biznisima, ovim podsticajem predviđeno je sufinansiranje pokretanja i održavanje malih biznisa – preduzeća – d.o.o., obrta i srodnih djelatnosti, trgovina na malo ostalom robom u specijaliziranih prodavnicama (apoteke, trgovina na malo novom robom, trgovina na malo cvijećem, sadnicama i sl., trgovina na malo nakitom i satovima i dr.) kojima je ta vrsta biznisa osnovno zanimanje.

Prijave vezane za sljedeće djelatnosti nemaju pravo prijave po osnovu ovog javnog poziva: ugostiteljske i trgovačke djelatnosti, proizvodnja alkohola i alkoholnih pića, otvaranje kasina i drugih igara na sreću, proizvodnja oružja i vojne opreme te proizvodnja i promet proizvoda i usluga koji nisu dozvoljeni po BiH zakonima i propisima.

Svako fizičko lice i registrovani biznis mogu podnijeti samo jednu prijavu po osnovu ovog javnog poziva.

Podnosilac prijave ili neki od članova njegovog domaćinstva koje su tokom 2021. ili 2022. godine koristili grant sredstva po osnovu SELLS projekta za unaprijeđenje vlastitog poljoprivrednog domaćinstva, pokretanje biznisa i sl. ne mogu biti korisnici sredstava u 2023. godine (eliminatorski kriterij).

Kriteriji za raspodjelu sredstava su:

- a. Kvalitet poslovnog plana – 40 bodova
- b. Iznos vlastitog sufinansiranja – 10 bodova za svakih 10% iznosa
- c. Prednost prilikom odabira će imati mladi od 35 godina, žene i manjine – 10 bodova

Te dodatni kriteriji za nove i postojeće biznise:

- d. Vrsta djelatnosti – 20 bodova

Prednost pri odabiru korisnika podsticajnih sredstava imat će oni koji pokrenu vlastiti biznis u sljedećim deficitarnim djelatnostima: IT sektor i digitalne tehnologije, internet biznisi, građevinarstvo (fasadni i štukatorski radovi, postavljanje podnih i zidnih obloga i ostali građevinski radovi), popravak i instaliranje mašina i opreme, instalacijski radovi (vodovod, plin, kanalizacija i grijanje), servisi za opravak kućanskih aparata, frizeri, keramičari, zadruge koje se bave otkupom povrtlarskih kultura i sl.

e. Broj novozaposlenih – 10 bodova za svakog novozaposlenog, a maksimalno 5 novozaposlenih

2.3 Odabir korisnika

Općinski načelnik imenuje komisiju za izbor i nadzor korisnika sredstava, koja će prema kriterijima definisanim u ovom Programu, vršiti izbor i nadzor korisnika sredstava.

Detaljne smjernice za rad Komisije će utvrditi Općinski načelnik na prijedlog nadležne Općinske službe. Komisija će predložiti načelniku prijedlog liste aplikanata koji ispunjavaju uslove javnog poziva.

Privremena rang lista će se objaviti na oglasnoj tabli Općine i na službenoj web stranici (www.praca.ba)

U roku od tri (3) dana od dana objavljivanja privremene rang liste svaki aplikant može podnijeti pismeni prigovor na listu.

Prigovor se upućuje Općinskom načelniku. Nakon isteka roka za prigovor i razmatranja progovora utvrđuje se i donosi konačna lista aplikanata koja se objavljuje na oglasnoj tabli Općine i web stranici Općine Pale (www.praca.ba).

2.4 Zaključivanje ugovora i implementacija

Načelnik će zaključiti pojedinačne ugovore sa odabranim korisnicima sredstava, kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih.

Nakon potpisivanja ugovora o podršci, dostavljanja predračuna za nabavku sredstava i ovjerene izjave da će podsticajna sredstva namjenski utrošiti, Općina će na račun korisnika podsticaja uplatiti odobreni iznos za nabavku sredstava za rad, dok će korisnik sredstava biti obavezan u roku od 15 dana od dana isplate u nadležnu službu Općine dostaviti fakturu uz fiskalni račun i dokaz o izvršenom plaćanju.

2.5 Mentorska podrška i nadzor nad utroškom

Općina Pale će pružiti mentorsku podršku kandidatima koja će uključivati pružanje poslovno savjetodavnih usluga vezanih za svakodnevni rad biznisa.

Provjeru namjenskog utroška sredstava od strane korisnika vršit će kontinuirano komisija za izbor i nadzor korisnika sredstava, a na kraju projekta podnijet će izvještaj načelniku.

3. Period realizacije Program Sredstva namijenjena za podsticaj razvoja poduzetništva na području Općine Pale realizovati će se u 2023. i 2024. godini.

4. Stupanje na snagu

Ovaj Program stupa na snagu danom usvajanja od strane Općinskog vijeća Općine Pale, a naknadno će biti objavljen u "Službenim novinama Bosansko-podrinjskog kantona Goražde".

Broj: 01-99-627-7/23.
Prača, 17.11.2023. godine



OPĆINSKI NAČELNIK

Almin Cutuk